

# DISSERTATIO CCCCVII.

*De altera Eucharistiae materia, quæ est Vinum.  
 Qui circa hoc fuerint errores, & quæ sit  
 Ecclesiæ fides? An debeat esse aqua tem-  
 peratum? Quo Jure sit hujusmodi  
 temperatio? Et quomodo aqua  
 in Christi sanguinem  
 transmutetur.*



N Dissertationecccciv.loquentes de erroribus Hæreticorum contra alteram inadæquatam Sacramenti Eucharistiae materiam, quæ est panis, loquuti pariter sumus de erroribus Hæreticorum contra hanc aliam inadæquatam ejusdem Sacramenti materiam, quæ est Vinum. Modo in hac Dissertatione de iisdem erroribus iterum fusiōri calamo scribentes, eos, & eorundem Authores enumeramus. Primo describuntur Hæretici, qui aquam omnino rejicabant in sacrificio. Hunc errorem Patres Concilii Trullani anno 692. Armenii tribuebant can. 32. in quo declarant, quod Armeni vinum purum sine aqua offerebant in sacra mensa, & quod ipsorum usum, & confuetudinem præsumebant exemplo, & auctoritate Sancti Joannis Chrysostomi confirmare. Nicephorus lib. 18. hist. cap. 53. afferit, quod hic error ex alio errore initium ducebatur, scil. quod crederent, in Christo non esse duas naturas, divinam scil., & humanam, & propterea vinum cum aqua in Calice non miscebant. Non fuit extensus tunc temporis hic error, sed quod diu etiam perseveraverit indicium habemus ab eo, quod Eugenius IV. in suo Decreto, seu instructione anno 1439. in Concilio Florentino aliquo modo ipsum memorare

Pars VIII.

videtur, quando decernit, ut Armeni fe cum universo Orbe Christiano conformat, eorumque Sacerdotes in Calicis oblatione paulatè aquæ admisceant vino. Et denique Casander in Liturgicis cap. 12. refert, quod iidem Armeni, adhuc ad præsens, in pristino errore perseverant.

Secundo, hunc eundem errorem Scriptores aliqui tribuunt Græcis; & sunt Innocentius III. lib. 4. de Sacrificio Missæ cap. 32. Guido Carmelita in heresim Catalago, Alphonsus a Castro adversus hæreses, verbo Eucharistia, hereſi 7. At Scriptores alii Græcos ab hoc errore defendunt, & hanc suam opinionem probant ex Liturgia S. Chrysostomi, & ex notis Goarii ad illam; pariter ex Theodoreto, dialogo I. ex Theophilastro in Joann. ex Zonara ad can. 32. Concilii Trullani, ac demum ex decreto Eugenii IV. In quo legitur Sanctam Romanam Ecclesiam, & antiquas omnes, tum Latinorum, tum Græcorum Ecclesias, semper in sacrificio obtulisse vinum aqua temperatum.

Tertio, Lutherani, & Calviniani antiqui voluerunt, mixtionem aquæ cum vino in Sacrificio Missæ esse figuramentum humanum contra Christi institutionem, & pessimam importare significationem. Habetur ex primo scripto Lutheri contra Henricum VIII. Anglia Regem, & in formula Missæ pro Ecclesia Wictembergensis, & ex Petro Richero Calviniano, qui afferit, hunc errorum se a Calvino didicisse. At